

浮山縣志

星野

星分九野疆分九州故九野之星各有所主之地以占驗其
休祥浮山昔為冀州地於星應屬觜參觜參雖不盡於浮山
而浮山實觜參分也觀象修省君子無旁委焉志星野

浮山縣志

卷一

星野

一

觜宿圖



丹元子步天歌

三星相近作參彘，彘土座旗直指天尊卑之位。九相連司怪曲立，坐旂邊四鴟大近井鉞前。

躔度

宋兩朝天文志：彘三星距西南星去極八十二度半。座旗九星距南星去極六十一度半，入參宿八度。司怪四星距西星去極七十一度，入參宿六度半。

占候

彘二度在參之右角，加鼎足形，主天之關。明大則天下安，五穀熟。隋志云：彘為三軍之候，行軍之藏府。主葆旅收斂萬

物明則軍儲盈，將得勢動而明葆旅起。張衡云：葆旅，野生之可食者。坐旗九星在司怪西北，主別君臣尊卑之位。明則國有禮，司怪四星在井鉞前，候天地日月星辰禽獸草木之變，與天高占同。

唐志彘二度

唐志：舊經彘三十三度，開元測彘三十三度。

宋志：彘三十三度，漢永元銅儀唐開元游儀皆以彘三十三度為去極。八十四度景祐測驗彘宿三星一度，距西南星去極八十四度，在赤道內七度。

步天歌坐旗司怪俱屬彘宿，武密書及乾象新書皆屬於

參

金志赤道宿度觜半度黃道宿度觜半度

漢洛下閎測觜二度 唐一行測觜一度 宋皇佑測觜

二度 元豐測觜二度 崇寧測觜半度 元郭守敬測

觜五分

李淳風法象志觜觶參伐皆直天關表而在河陰故實沈

下流得大梁距河稍遠涉陰亦深

漢志歲星六月出石氏在觜觶參

晉志觜參魏益州

洛書甄耀度西方白虎觜參為虎首故有觜之義


浮山縣志

卷一

星野

三

參宿圖



丹元子步天歌

總有三星觜相侵兩肩雙足三爲心伐有三星足裏深玉井
四星右足陰屏星兩扇井南襟軍井四星屏上吟左足下四
天厠臨厠下一物天屎沉

躔度

宋兩朝天文志參十星距中星西第一星去極九十二度半
玉井四星距西北星去極九十八度少入畢宿十一度半
天屏二星距南星去極一百一十五度入畢宿十三度半
軍井四星距西南星去極一百五度半入畢宿十四度
天厠四星距西北星去極一百一十八度半入參宿二度

屎一星去極一百一十五度入參宿三度半

占候

參十度上爲五星日月中道甘氏曰參爲忠良孝謹之子明
大則臣忠子孝安吉一曰參伐一曰大辰一曰天市一曰鈇
鉞又爲天獄又主權衡所以平理也又主邊城爲九譯故不
欲其動也參白虎之體其中三星橫列三將也東北曰左肩
主左將西北曰右肩主右將東南曰左足主後將軍西南曰
右足主偏將軍故黃帝占參應七將中央三小星曰伐天之
都尉也主胡鮮卑戎翟之國故不欲明又曰七將皆明天下
兵精也玉井四星在參西右下水象也屏二星在玉井南屏

爲屏風玉井東西四星曰軍井行軍之井也軍井未達將不言渴名取此也又曰主軍營之事天廁四星在屏東溷也天屎一星在廁南色黃則吉

唐志參九度

唐志舊經參九十四度開元測參九十三度

宋志參宿漢永元銅儀參八度舊去極九十四度景祐測驗參宿十星十度右足入畢十三度

步天歌玉井軍井廁各四星屏二星天屎一星俱屬參宿晉志玉井在參左足武密書屬觜乾象新書屬畢軍井晉志在玉井南武密亦屬觜乾象新書亦屬畢唐開元游儀

浮山縣志

卷一 星野

五

在玉井東南屏廁天屎晉志皆不載隋志屏在玉井南開元游儀在觜隋志廁在屏東屎在廁南乾象新書皆屬參與步天歌互有不合

金志赤道宿度參十度半黃道宿度參九度太 漢洛下

閎測參九度 唐一行測參十度 宋皇祐測參九度

元豐測參九度 崇甯測參十度半 元郭守敬測參十
一度一十分

左傳昭公元年子產曰后帝遷實沈于大夏主參

杜註后帝堯也大夏

今晉陽縣又曰當武王邑姜方娠太叔夢帝謂已余命而子曰

虞將與之唐屬諸參而蕃育其子孫及生有文在其手曰

虞遂以命之及成王滅唐而封太叔焉故參爲晉星由是觀之則實沈參神也
杜註叔虞封唐是爲晉侯
國語董因對晉公曰歲在大梁將集天行元年始受實沈之星也實沈之墟晉人是居所以興也以辰出而以參入皆晉祥也

漢天文志晉之疆候辰星占參伐


漢志歲星四月出太初在參伐

漢志歲星六月出甘氏在參伐

馬融上日食封事參居兌位屬西方其爲分野并州是也

漢五行志劉歆言傳曰時有毛蟲之孽參虎星故爲毛蟲

北斗圖



丹元子步天歌

北斗之星七星明第一主帝爲樞星第二第三璇璣是第四名權第五衡開陽搖光六七名紫宮之次是諸星

躔度

北斗七星天樞去極二十三度半入張宿十度搖光去極三十五度入角星九度

占候

北斗七星在太微北爲人君之象號令之主又爲帝車取乎運動之義也又魁第一星曰天樞二曰璇三曰璣四曰權五曰玉衡六曰開陽七曰搖光一至四爲魁五至七爲杓樞爲

天璇爲地璣爲人權爲時玉衡爲音開陽爲律搖光爲星石氏云第一曰正星主陽德二曰法星三曰令星四曰伐星五曰殺星六曰危星七曰部星亦曰應星又云一主天一主地三主火四主水五主土六主木七主金又曰一主秦二主楚三主梁四主吳五主趙六主燕七主齊

一星第一星曰韓第九星曰晉蓋象天王在上諸侯朝王王出臯門大會東方諸侯在應門右西方諸侯在應門左也

占侯

天市垣二十二星在房心東北主權衡主聚衆一曰天旗庭市中星衆潤澤則歲實市樓六星在市中臨箕星之上主司闡闡明則吉隋志市樓者市府也主市價律度其陽爲金錢其陰爲珠玉變見各以所主占之車肆二星在天市垣南門之內主車駕隋志主衆賈之區宗正二星在帝座東主宗大夫也明則宗室有秩宗人四星在宗正東主錄親疎享祀如綺而明正族人有序宗星二星在宗人東北侯星之東宗室

之象帛度二星在宗室星東北主度量明則尺量平商人不欺屠肆二星在帛度東北主烹宰侯一星在帝座東北主伺陰陽也細微則國安居常則吉帝座一星在天市中侯星西天庭也光而潤則天子吉威令行一曰神農所居宦者四星在帝座西南帝旁之閭人也星微則吉其占與勢星同列肆二星在斛西北主寶玉之貨斗五星在宦者西南主平量覆則歲熟明暗與帛度同斛四星在市樓北亦曰天斛主量者也占與斗同

帝皇世紀云自畢十二度至東井十五度實沈之次爲晉魏分野漢志云魏地觜參之分野州郡躔次云河東入張八度

唐志云河東道古冀州之域爲實沈大梁之分

志見舊

浮山縣志

卷一

星野

十